

四庫全書

子部

欽定四庫全書

子部
玉海卷一百七十四
五

詳校官中書臣張經田

主事臣祁韻士覆勘

總校官進士臣朱 鈐

校對官編修臣盧 遂

謄錄監生臣周 燮

欽定四庫全書

玉海卷一百七十四

宋 王應麟 撰

宮室

城

下

邊城附

唐京城

地理志上都

關內道古雍州之城

京城前直子午谷後枕龍首山

左臨灞岸右抵澧水其長六千六百六十有五步廣五

千五百七十五步周二萬四千一百二十步其崇丈有八尺 高祖紀大業十三年十一月丙辰克京師命宋公弼收圖籍約法十二條八月庚午進屯長安故城十一月攻大興城下之武德元年五月改隋大興殿為太極殿昭陽門為順天門 紀高宗永徽五年十月癸卯

築京師羅郭起觀于九門

會要十一月十一日和雇四萬一千人修京羅城郭三十

日畢九門各施觀明德觀五門工部尚書閻立德為使

玄宗開元十八年四月乙

卯會要築京師外郭九十日罷德宗貞元四年冬築夾

城

長安志

兩京記同

京城隋文帝開皇二年自故都徙其

地

呂氏圖云南直石鰲谷

在漢故城之東南屬杜縣周之京兆郡

萬年縣界南值終南山子午谷北據渭水東臨灊西枕

龍首原外郭城

隋曰大興城文帝初封大興公及即位以名城隸門殿園池及寺馬唐曰長安

城亦曰京師城

東西一十八里一百一十五步南北一十五里

一百七十五步周六七十里

隋志同隋開皇二年六月築正殿曰大興殿宮曰

曰大興宮宮北苑曰太興苑唐永徽四年率天下口稅一錢更築之常述曰宮之太極殿本大興材故因用

其名高宗於大興城北別建大明宮而大興城遂名西內

南面三門正中曰明德

門北當皇城朱雀門南東曰啟夏門門外西南二里有丘先農藉田三

壇西曰安化門東面三門北曰通化門裴度討蔡州憲宗送于此中

曰春明門南曰延興門西面三門北曰開遠門中曰金

光門西趣金明池南曰延平門北面一門曰光化門隋志同里一

百六皇城俗號東西五里一百一十五步南北三里一

百四十步南面三門正南曰朱雀門東曰安上門西曰

含光門東南二門南曰景風門北曰延喜門西南二門

南曰順義門北曰安福門城中南北七街東西五街六典

曰一百十一坊宋務
曰今霖兩開坊門

六典工部京城左河華右隴阨

前終南後九變南三門中明德左啟夏右安化東面三
門中春明北通化南延興西面三門中金明北開遠南
延平皇城在京城之中南面三門中朱雀左安上右含
光東面二門北延喜南景風西面二門北安福南順義

其中左宗廟

左安上門
內之東

右社稷

在舍光
門之西

百寮廨宇列乎

其門凡省六寺九臺一監四衛十有八

左右衛左右金
吾衛左右驍衛

左右武衛左右威衛左右領衛軍左右
監門衛左右千牛衛左右羽林軍衛

東宮官屬凡府

一坊二

左右春坊內坊

寺三

家令率更僕

率府十

左右衛左右青道左右司禦左右內

左右監門內

劉弘基傳次長安故城

所以別大興城

振隊金光門

許敬宗傳

舊

顯慶三年高宗於古長安城遊覽

令敬宗與弘文學士檢秦漢以來歷代宮室處所

奏其年代

會要云顯慶二年十月十七日上因於古長安城遊覽問侍臣曰朕觀故城舊

址自秦漢以來幾代都此許敬宗曰秦都咸陽渭水貫都以象天河漢惠始築此城

唐都

城三重京城皇城宮城

有皇城使

三都上都東都北

都

唐太微城 東都皇城

地理志東都隋置

河南道古豫州之域 隋紀大業元年三月丁未營建東京二年正月辛

酉東京城 隋志

里一百三十三 皇城長千八百一十七步廣千三百

七十八步周四千九百三十步崇三丈七尺曲折以象

南宮垣名曰太微城 通典開元元年改洛州為河南

府 宋會要京城周四十二里城內一百二十坊

唐東都紫微城

地理志東都宮城在皇城北長千六百二十步廣八百

有五步周四千九百九十一步崇四丈八尺以象北辰
藩衛名曰紫微城武后號曰太初宮 皇朝開寶八年
十月丁巳修西京宮室將議幸洛也宮室周回九里三
百步舊名曰紫微城

唐東都金城

地理志東都都城前直伊闕後據邙山左瀍右澗洛水
貫其中以象河漢東西五千六百一十步南北五千四
百七十步西連苑北自東城而東二千五百四十步周

二萬五千五十步其崇丈有八尺武后號曰金城

凡一百三

坊二市

會要天寶二年正月二十八日築神都羅城號

曰金城

通典洛陽金墉城在故城西北角魏明帝築

唐北都都城

大明城

又見晉陽宮

地理志北都

河南道古冀州之域

都城左汾右晉潛丘在其中長

四千三百一十一步廣三千一百二十二步周萬五千

一百五十三步其崇四丈汾東曰東城貞觀十一年長

史李勣築兩城之間有中城武后時築以合東城宮南

有大明城故宮城也宮城東有起義堂倉中有受瑞壇
崔神慶傳武后擢并州長史親為按行圖遣之初州
隔汾為東西二城神慶跨水聯堞合而一之省防禦
兵數千 東魏武定三年正月丁未於并州置晉陽
宮

唐宮城

見宮類

唐碎葉城

地理志馬耆都督府貞觀十八年滅馬耆置有碎葉城
北庭都護府渡伊麗河至碎葉界又西行千里至碎葉
城水皆北流入磧安西都護府有保大軍屯碎葉城碎
葉川口至裴羅將軍城又西二十里至碎葉城城北有
碎葉水 會要調露元年九月安西都護王方翼築碎
葉城四面十二門為屈曲隱伏出沒之狀五旬而畢
又云
渤海軍大軍
並在碎葉城 裴行儉傳儀鳳二年十姓可汗阿史那
都支及李遮旬誘蕃落以動安西調露元年裴行儉因

策送波斯奏王方翼為副兼檢校安西都護權以制事
至西州揚言大熱未可進徐召四鎮酋長偽約畋陰勒
部伍倍道而進去都支帳二十餘里使人召之都支倉
卒不知所為詣營謁遂禽之是日傳契箭召諸部酋長
悉來請命並執送碎葉城襲遮匄遮匄降悉俘至京師
將吏為刻石碎葉城紀功 王方翼傳裴行儉奏為安
都護築碎葉城面三門紆還多趣以詭出入五旬而畢
西域胡縱觀莫測其方畧悉獻珍貨 波斯傳調露元

年詔裴行儉將兵護還以道遠至安西碎葉 馬耆傳
開元七年十姓可汗請居碎葉 西域傳有碎葉者出
安西西北千里繇勃達嶺北行羸千里得細葉川東曰
熱海地寒不凍西有碎葉城天寶七載北庭節度使王
正見伐安西毀之 通鑑開元二年三月己亥磧西節
度使阿史那獻克碎葉等鎮斬都擔

唐伊吾城

西域傳伊吾城者漢宜禾都尉所治高胡雜居勝兵千

附鐵勒人驍悍土良沃隋末內屬置伊吾郡貞觀四年

城酋來朝頡利滅舉七城降列其地為西伊州

通鑑九月戊辰

朝入

唐永定壘

地理志邠州新平有永定壘二太宗討薛舉置

唐長安城

許敬宗傳帝嘗幸故長安城按蹕裴回視古區處問侍臣秦漢以來幾君都此敬宗曰秦居咸陽漢惠帝始城

之其後苻堅姚萇宇文周居之帝復問漢武開昆明池
實何年對曰元狩三年將伐昆明實為此池以肄戰帝
乃詔與弘文學士討古宮室故區具條以聞

高宗顯慶三年十月

日十七

唐和戎城

郭元振傳武后時突厥吐蕃連兵寇涼州

長安元年十一月

拜

元振為涼州都督初州境廣輪纔四百里虜來必傳城
下元振始於南硤口置和戎城北磧置白亭軍制東要

路拓境千五百里自是州無虜憂又遣甘州刺史李漢
通關屯田盡水陸之利稻收豐衍 地理志涼州西北
五百里有白亭軍本守捉天寶十四載為軍

唐河北三受降城

中宗紀景龍元年五月戊戌張仁亶為朔方道行軍大

總管以備突厥 通鑑十月丁丑擊突厥大破之 景龍元年景雲二年紀中不見築城事當致

張仁愿傳 仁愿本名仁亶以音類睿宗諱改焉 神龍三年朔方軍總管

沙吒忠義為突厥所敗詔仁愿攝御史大夫以代之始

朔方軍

朔方即豐州也 靈州有朔方軍豐州隸焉

與突厥以河為界北厓

岸也有拂雲祠突厥每犯邊必先謁祠禱解然後料兵度

而南時默啜悉兵西擊突騎施

會要作安葛

仁愿請乘虛取

漠南地於河北築三受降城絕虜南寇路唐休璟以為

兩漢以來皆北守河今築城虜腹中終為所有仁愿固

請中宗從之表留歲滿兵以助功時咸陽兵二百人逃

歸仁愿盡擒之斬於城下軍中股慄後者盡力六旬而

三城就

論弓仁傳神龍三年為朔方軍前鋒遊奕使時張仁愿築三受降城弓仁以兵出諾真水草心

山為邏衛 會要景雲二年三月一日張仁亶請築三
受降城睿宗從之三城皆據津海遙相應接 通鑑景

龍二年戊申二月丙申朔仁愿築三受降城于河上七
月癸巳以仁愿同中書門下三品 元和志神龍三年

仁愿 置 以拂雲為中城南直朔方西城南直靈武東城南

直榆林勝州三壘相距各四百餘里其北皆大磧斥地三

百里而遠又於牛頭朝那山元和志作牛頭車那山北置烽候十

三百所會要一百八十所通典同 舊史一千八百所元和志同自是突厥不敢逾

山牧馬朔方無寇歲損費億計減鎮兵數萬初建三城

也不置壘門曲敵戰格或曰邊城無守備可乎仁愿曰

兵貴攻取賤退守寇至當併力出拒敢回望城者斬何
事守備退怛其心哉後常元楷代為總管始築墜門議
者益重仁愿而輕元楷 地理志豐州九原郡東受降

城景雲二年朔方總管張仁愿築三受降城寶曆元年

五月振武節度張惟清以東城濱河徙置綏遠烽南

會要

云賜錢一百萬城之至十月功畢

中受降城有拂雲堆祠接靈州境

高霞

寓傳元和十三年拜振武節度吐蕃攻有關於九年
鹽豐霞寓以兵五千屯拂雲堆虜引去

五月置又有橫塞軍天寶八載三月置十二載廢西二

百里大同川有天德軍大同川之西有天安軍皆天寶

十二載置天德軍乾元後徙屯永濟柵故大同城也元和

九年宰相李吉甫奏脩復舊城北有安樂戍

志又云安北大都護

府開元二年治中受降城十二年徙治天德軍通鑑開元二年閏二月王峻兼安北大都護今豐安定遠三

受降城皆受節度徙大都護府於中受降城置兵屯田

西受降城開元初為河所

圮十年總管張說於城東別置新城

北三百里有陂鵜泉

天寶元

年王忠嗣併受降振武為一城

呂溫三受降城銘曰

韓侯受命平在朔易北方之強制以全策亘漢橫塞揭

茲雄壁如三闕龍躍出大澤並入襟帶各閉風雷俯視
陰山仰看昭回一夫登陴萬里洞開日晏秋盡纖塵不
來我聖耀德罷扃北門優而柔之用息元元曷若全守
推亡固存于襄于夷永裕後昆序曰斥候迭望幾二千
所損費億計減兵萬人東極于海西窮于天納陰山於
寸眸拳大漠於一掌 仁愿封韓公制曰橫却月於天
街劃長雲於地脉 李華韓公廟碑銘曰公忠貫神明
慮幾造化鎮以長策潰其奸謀奪溼拂雲維而城之並

河之阿列築三鎮將精志銳談笑就役匈奴不敢南視
號哭而遁憑墉而望匹馬單兵不匿形影虜中是搃手
足而剗腹心天下減征役之半三城既就刊木標櫓記
之種落刻其降年後皆如之銘曰沉泉雷動機發冥冥
功奮三城人謠億齡北狄頓顙山戎來庭萬里寢析緣

河罷扃

後人思仁愿為立祠
受降城出師輒享焉

按傳志會要通典等書築三城歲月不同會要作景

雲二年三月一日志作景雲三年傳作神龍三年

元和

志同通典景龍中呂溫紀景龍二年通鑑同今考之紀神

龍三年五月戊戌仁愿為摠管會要同其年九月改景

龍當以傳為定傳云神龍三年請中宗從之會要乃云

景雲二年三月一日築睿宗從之通典同恐志會要年

月非而呂溫記與傳通鑑是

實錄兼紀傳通鑑元和七年正月癸酉振武河溢毀東受降

城八年七月辛酉李光進請修東受降城通鑑止云受降城盧坦

傳以為西城兼理河防李吉甫請移其兵於天德故城李絳

盧坦以為城當積口據虜要衝得制匈奴上策豐水美
草邊防所利今避河患退二三里可矣奈何捨萬代久
安之策為一時省費之謀况天德故城僻處确瘠去河
絕遠烽候不接虜忽唐突是盛國二百里也城使周懷
義奏利害與絳坦同上卒用吉甫策以受降城騎士隸

天德軍

通鑑在八年七月當從之會要在十二年九月
是誤 實錄云以中受降城及所管騎士一千

一百四十人隸天德軍或是三城都數李司
空論事云中城舊屬振武有鎮兵四百人

會要元

和九年五月豐州奏中受降城與靈州城接界請置關

從之 列傳王暉為朔方大總管跌跌部及僕固都督

勺磨等散保受降城之鄙潛引突厥內擾暉誘誅之

元開

八年

張齊丘為朔方節度天寶八載

三月

於中域西北五

百餘里築橫塞軍

郭子儀為使

渾瑊大厯十四年兼振武東

受降城鎮北大都護 李景畧貞元中為天德軍西受

降城都防禦使 李吉甫元和八年請起夏州至天德

復驛候十一區以通緩急發夏州精騎五百屯經畧故

城以護党項 張惟清為振武節度請戶部錢十四萬

修東受降城 韓重華為十五屯就高為堡東起振武

西過雲州界極於中受降城出入河山之際六百餘里

通鑑會昌二年二月李德裕請修東中二受降城以

壯天德形勢從之 地理志中受降城正北八十里呼

延谷口有歸唐柵車道也入回鶻使所經幽州城內有

經略軍有約降軍本納降軍守捉城故丁零川也西南有

安塞軍赫連城

李光顏傳裴度伐蔡
赫連城於范口

唐三受降城

見上段

元和志天德軍本安北都護貞觀二十一年於今西受降城東北四十里置燕然都護天寶八年張齊丘置橫塞軍十二年安思順奏廢軍請於大同川西築城置軍賜名天安軍十四年築城功畢乾元後改為天德軍西南移三里權居永清柵又移西受降城後頻為河水所侵元和八年春河溢城南面多毀壞防禦使周懷義上表請修築約錢二十一萬李吉甫密陳便宜請修天德舊城以安軍鎮曰西城是開元十年張說所築今河水

毀其半不堪重修其子城猶堅量留千人足得居住案
天德舊城在西城正東微南一百八十里其處見有兩
城本永清柵即隋大同城去本城約三里城甚牢小今
隨事宜置仍存天德軍額北城周迴十二丈高四丈下
濶二丈七尺天寶十二載安思順所置其城居大同川
中當北戎大路屬祿山有事為賊將破焚遂移永清柵
別置理所於西城力所不足實非遠圖臣計料修此城
不過二萬貫錢今若於天德舊城隨事增飭因有移換

仍取城隸天德軍別置使名自為雄鎮可警殊鄰詎從
之於是復移天德軍理所於舊城焉東受降城本漢雲
中郡地在榆林郡東北八里今屬振武節度中受降城
本秦九原郡地漢元朔二年更名五原開元十年又於
此城置安北大都護府後又移徙事具天德軍敬本古城在
中城北四十里鄭虔軍錄曰時人以張仁愿河外築三
城自古未有今敬本城周一萬八百七十二步壕塹深
峻亦古之堅守也賈耽古今述曰以地理求之前代九

原郡城也西受降城在豐州西北八十里蓋漢朔方郡地臨河縣故理處開元初為河水所壞十年總管張說於故城東別置新城今城西南隅又為河水所壞

舊天德軍

理此城元和九年
移理天德軍城

東受降城在朔州北三百五十里本

漢定襄郡之盛樂縣也武德四年置雲州貞觀二十年

改都督府麟德三年改單于大都護府垂拱二年改鎮

守使聖曆元年改置安北都護開元七年隸屬東受降

城八年復置單于大都護府

今為振
武理所

通鑑開元二年

閏二月以王駿兼安北大都護朔方大總管令豐安定
遠三受降城皆受節度徙大都護府於中受降城置兵
屯田 唐休璟云豐州控河過寇號為襟帶

唐豐安定遠城

又見下

羊馬城

郭元振傳先天元年為朔方大總管二年正月築豐安

定遠城

關內道

兵得保頸

地理志靈州黃河外有豐安

定遠新昌等軍豐寧保寧等城

武德四年析迴樂置豐安縣 豐安軍在靈州

黃河西去州一百八十里 威州鳴沙 警言州本定遠城

神龍元年為默啜所寇移治故豐安城

在靈州東北二百里先天二年郭元振置後為上縣隸

靈州景福元年靈威節度使韓遵表為州

杜鴻漸傳太子按軍平涼

議出蕭闕趣豐安曰靈州我之關中

王海賓豐安軍

使

王峻為朔方副大總管豐安定遠等城並受節度

白元光為靈武留後定遠城使

羊馬城幅員十四里

信安王禕所築元和志定遠城在靈州東北一里即

漢北地郡方渠縣之地以豐安勢孤置此有兵五千五

百鎮之

見後

六典朔方節度使其統有豐安軍定遠城

唐長城

地理志媯州懷戎縣北九十里有長城開元中張說築

東南五十里有居庸塞東連盧龍碣石西屬太行常山

實天下之險有鐵門關

通典古居庸關在幽州昌平縣西淮南子天下九塞居庸是

其一

元魏以柔然寇邊自赤城西至五原築長城二千餘里

隋開皇五年使司農少卿崔仲方發丁三萬於朔方靈

武築長城東距河西止綏州綿歷七百里以遏胡寇太

宗貞觀二年九月己未突厥寇邊或請修古長城上曰

朕方掃清沙漠安用勞民

志過河經後魏沃野鎮城傍
金河過古長城九十二里至

綏俱
麟川

唐威戎城

地理志安西撥換城一日威戎城

唐營州城

宋慶禮傳為河北營田使初營州都督府治柳城扼制

奚契丹武后時趙文翹失兩蕃情攻殘其府更治東漁

陽城

志聖歷
元年

玄宗以奚契丹款附欲復治故城宋璟爭

不可慶禮執處其利詔與姜師度邵宏等為使築葺三

旬畢

志開元五年
還治柳城

兼營州都督張九齡曰慶禮城營州

士纔數千無甲兵強衛指期而往不失所慮遂罷海運
邊亭晏然

唐鹽泉城 石堡城

唐歷開元二十六年三月隴右節度留後杜希望攻吐

蕃新城拔之以為威武軍

志在茂州

七月希望發鄯州兵奪

虜河橋并河築鹽泉城號鎮西軍破吐蕃兵三萬人

志河

州西百八十里有鎮
西軍二十六年置

會要開元十八年三月二十四

日甲寅朔方節度信安王禕攻吐蕃石堡城本名鐵拔之

四月改為振武軍二十九年十二月六日陷天寶八載

六月哥舒翰又拔之閏六月三日乙丑以為神武軍哥

舒翰傳下石堡城以赤嶺為西塞 渾瑊傳從拔石堡

城龍駒島勇常冠軍 地理志鄯州鄯城定戎城又南

隔澗七里有天威軍軍故石堡城天寶八載克之更名

唐平戎城

安戎城

唐厯開元二十七年十二月章仇兼瓊節度劔南二十
八年三月兼瓊謀誘吐蕃安戎城主為應導守官軍入盡

殺虜戎以監察御使許遠守之吐蕃圍城絕水

五月十八日

會石裂泉涌引去

二十一日

十月詔改安戎為平戎云 高

適傳始上皇分劔南為兩節度而西山三城列戍適上
疏曰東西川實一道自邛關黎雅抵南蠻由茂而西經
羌中平戎等城界吐蕃瀕邊諸城皆仰給劔南平戎以
西數城皆窮山之顛蹊隧險絕運糧束馬之路坐甲無

人之鄉

南蠻傳茂州西南築安戎城絕吐蕃通蠻之

道

儀鳳二年益州長史李迎築之以應吐蕃吐蕃得生羌為鄉導陷而據之時吐蕃幅負萬餘里西戎未有此盛

志茂州有威戎軍恭州西南有平戎軍

曲環傳德宗初虜寇劔南以邠

隴兵五千馳救收七盤城威武軍維茂等州虜破走

韋臬傳貞元中建安夷軍於資州維制諸蠻城龍谿於

西山保納降羌 五行志開元二十八年六月吐蕃圍

安戎城斷水路城東山鳴石圻湧泉

唐大同靜邊城

平戎十八策

天德城 又見

上

王忠嗣傳節度朔方天寶元年上平戎十八策三載斬
米施築大同靜邊二城徙清塞橫野軍實之併受降振
武為一城虜不敢盜塞徙河東節度自朔方至雲中表
數千里據要險築城堡斥地甚遠自張仁愿後四十餘
年忠嗣繼其功 會安貞觀十三年吐谷渾叛置靜邊
鎮儀鳳三年置積石軍 地理志關內豐州中受降城
西二百里大同川有天德軍大同川之西有天安軍皆

天寶十二載置天德軍乾元後徙屯永濟柵故大同城也河東代州北有大同軍本大武軍調露二年曰神武

天授二年曰平狄大足元年更名其西有天安軍天寶

十二載置

會要大同軍在朔方州本大武軍開元十一年三月四日改大同

朔州馬邑

縣開元五年於大同軍城置蔚州東北有橫野軍

開元十二

年安邊

乾元元年徙天成軍合之而廢橫野軍西有清塞

軍本清塞守捉城貞元十五年四月置安樂戍在河西壩

其東壩有古大同城今大同城故永濟柵也郭子儀

傳天寶十四載祿山反子儀為朔方節度收靜邊軍斬賊將周萬頃遂收雲中馬邑開東陁 渾瑊傳天寶中破阿布思與諸軍城永清及天安軍 會要天寶八載

三月於木刺山置橫塞軍城改為天德軍郭子儀為使

子儀傳地偏不可耕徒築永清號天德軍以使兼九原太守 李景畧任迪簡石雄皆為使

回鶻

傳元和末可汗以三千騎至鷓鴣泉振武以兵屯黑山治天德城備虜會昌中烏介攻天德城劉沔屯雲伽關拒之嗚沒斯降即天德為歸義軍拜軍使 六典河東

節度使其統有大同橫野奇嵐三軍

唐應龍城

哥舒翰傳天寶七載十二月為隴右節度副大使築神威軍青海上吐蕃攻破之更築城於龍駒島有白龍見因號應龍城翰相其川原宜畜牧謫罪人二千戍之吐蕃不敢近青海十三載兼河西節度三月破吐蕃洪濟大莫門等城

莫門軍儀鳳二年置

收黃龍九曲置洮陽郡築神策

宛秀二軍

王難得傳復收五橋進白水軍使收九曲

曲環傳天寶中從翰拔石堡取黃河九曲洪濟等城
地理志洮州西八十里磨環川有神策軍天寶十三
載置寧塞郡西有寧邊軍西八十里宛秀城有威勝軍
西南百四十里洪濟橋有金天軍東南八十里百谷城
有武寧軍南二百里黑峽川有曜武軍皆十三載置鄯
州有安人威戎軍綏和合川二守捉城肅州有酒泉威
遠二守捉城 李嗣業傳天寶中為疏勒鎮使城一隅
地屢築輒壞嗣業祝之有白龍見因其處絕祠以祭城

遂不壞 漢志鴈門郡馬邑注晉太康地記云秦
時建此城不成有馬周旋馳走因依以築城遂名
馬邑

唐會昌城

會要天寶六載十二月二十一日

壬戌

築會昌城於湯所

置百司及公卿邸第 地理志京兆府昭應天寶元年

更驪山曰會昌山三載析新豐萬年置會昌縣六載築

羅城置百司及十宅

唐長武城

地理志邠州宜祿有長武城 列傳李懷光為邠寧節

度頻歲率師城長武以處軍士城據原首臨涇水俯瞰
通道為要防 渾瑊以朔方兵馬使屯宜祿大厯七年

擊吐蕃破之自是歲防長武城盛秋 戴休顏城邠州

功最 韓全義為長武城使貞元三年吐蕃犯長武城

全義拒之 高崇文從韓全義鎮長武城治軍有聲崇

文以長武城使討劉闢練卒五千常若寇至 高霞寓

元和初代高崇文為長武城使

唐綏遠城

綏戎城

都護府四壘

地理志古雲中城又西五十五里有綏遠城皆靈夏以
北蕃落所居安西西撥換城一曰威戎城鄯州鄯城有
河源軍西六十里有臨蕃城又西六十里有白水軍綏
遠城又西南六十里有定戎城 李元諒傳貞元三年

更節度隴右治良原

涇州
縣

良原隍堞涇圮元諒培高浚

淵又築連弩臺遠烽候為守備進據勢勝列新壁涇隴

以安 劉沔傳從振武節度開成三年突厥劫營田沔
發吐渾契苾沙陀部萬人擊之賊一轡無返者築都護
府西北四壘

唐朔方五城

郭子儀傳上書曰朔方國北門西禦犬戎北虞獫狁五
城相去三千里開元天寶中戰士十萬馬三萬匹僅支
一隅自靈武從征討比天寶中止十之一今吐蕃兼吞
河隴雜羌渾之衆勢踰十倍與之角勝豈易得邪

家傳
云大

歷九年以上表今以朔方減十倍之軍當願於諸道料精吐蕃加十倍之騎欲求制勝豈易為力

卒滿五萬列屯北邊則制勝可必通鑑九年二月癸巳地理志

夏州朔方縣長慶四年會要三月節度使李祐築烏延宥州

臨塞陰河陶子等五城于蘆子關北以護塞外宥州城

寶應後廢元和九年於經畧軍復置延思縣有經畧軍在榆多勒城天寶

中王忠嗣奏置十五年徙治長澤元和十年五月修宥州城為吐蕃所破長

慶四年李祐復奏置

唐晉陽城

馬燧傳念晉陽王業所基宜固險以示敵乃引晉水架汾而屬之城潞為東隍省守裨萬人又醜汾環城樹以固隄會要建中四年河東節度馬燧西引晉水架汾而城之東潞以為池

唐平涼城 連雲堡 彰信堡

通鑑貞元四年劉昌復築連雲堡七年二月戊戌詔涇原節度劉昌築平涼故城

平涼在原則西一百五十里
詔曰平涼當四會之衝居

北地之要扼彈箏峽口決辰而畢昌又築朝谷堡甲子名堡

曰彰信

在平涼西三十五里 實錄三月築

劉昌傳貞元七年城平涼

開地二百里扼彈箏峽又西築保定扞青石嶺凡七城

二堡旬日就以功檢校右僕射 地理志涇州潘原縣

後省為彰信堡貞元十一年復置 舊紀貞元七年二

月己巳涇原帥劉昌復築平涼城去故原州一百五

十里本原之屬縣地當禦戎之衝要決辰而功畢分兵

戍之邊患稍弭三月甲子劉昌築胡谷堡 實錄作朝谷 改名

彰義堡

實錄作彰信

堡在平涼西三十五里亦禦戎要地

唐鹽州城

地理志鹽州五原郡本鹽川貞觀二年梁師都平復置

州

秦漢北地郡北近鹽池因名州

有堡塞軍貞元十九年置吐蕃

傳貞元二年十一月吐蕃攻鹽夏刺史杜彥光拓跋乾

暉不能守虜遂有其地志三年沒自虜得鹽州塞防無以障

遏靈武單露廊坊侵迫寇數入為邊患八年壬申歲帝復

詔城之使涇原劍南山南深入窮討分其兵毋令專嚮

東方詔渾瑊

副元帥

杜希全

都統

張獻甫

郿寧

邢君牙

神策軍行營韓

潭

夏綏
銀

王栖曜

廊坊

范希朝

振武

合兵三萬以左右神策將

軍胡堅張昌為鹽州行營節度使板築之後者六千人

餘皆陣城下九年二月辛酉始裁閱二旬訖功而虜兵

不出以兼御史大夫紇干遂中丞杜彥光戍之

舊紀月
日同

列傳張獻甫節度邠寧斷山浚塹選巖要地築烽堡

請復鹽州及洪門洛原鎮屯兵詔可獻甫遣兵馬使魏

光遂吐蕃築鹽夏二城

邠志曰八年議築鹽夏二城三
月師赴五原去城百里而軍

杜希全兼夏綏銀節度都統建言鹽州據要會為塞

保障請復城之詔希全及朔方邠寧銀夏鄜坊振武及
神策行營合選士三萬五千屯鹽州又敕涇原劍南山
南牽撓其力使不得犯塞 揚朝晟為寧州刺史以副
邠寧節度張獻甫貞元九年城鹽州召兵護外境朝晟
分統士馬屯水波堡 韋臯貞元九年朝廷城鹽州詔
臯出師牽維之 李晟薨貞元九年後城鹽州復故池上惻
然思晟 李光顏元和末鎮邠寧時虜毀鹽州城使光
顏復城之以忠武軍從 會要貞元九年二月詔復築

鹽州城先是三年城為吐蕃所壞自後塞外無保障犬
戎入寇既城之後邊患頻息 白居易有城鹽州詩

唐方渠三城 馬嶺城

應聖泉

楊朝晟傳貞元九年為邠寧節度使十三年請城方渠
合道木波以遏吐蕃路詔問湏兵幾何報曰部兵可辦
帝曰前日城五原興師七萬今何易邪對曰鹽州之役
虜先知之今薄戎而城虜料王師不十萬勢難輕入若
發部兵三日至塞下未三旬可畢積芻聚糧留卒戍之

寇至不可拔若大發兵閱月乃至虜亦來來必戰戰則
不暇城矣帝納其策師次方渠水乏有青蛇降險下走
視其迹水從而流朝晟使築防環之遂為停淵士飲仰
足圖其事以聞有詔置祠命泉曰應聖已城吐蕃悉衆
至度不能害乃引去復城馬嶺而歸開地三百里 通

鑑貞元十三年三月方渠三城成

邠志十三年二月十一日朝晟除使十八

日發軍二十六日軍次石臺谷三月二十八日功就

地理志方渠馬嶺皆慶州

屬縣節度張獻甫置選險要為烽堡

唐保定城 又見上

會要涇州臨涇縣貞元十一年正月節度使劉昌奏請於臨涇界保定城置陰盤縣敕改為潘原十一年以彰

信堡復置

志潘原本陰盤天寶元年更名後省為彰信堡

唐永信城 臨涇城 良原城 潘原城 臨

沂城

地理志隴州沂源貞元十三年築永信城于平戎川沂陽有臨沂城太和元年築原州平涼郡廣德元年沒吐

蕃節度馬璘表置行原州於靈臺之百里城貞元十九

年徙治平涼

舊紀四月乙未劉昌奏

元和二年又徙治臨涇列

傳邢君牙節度鳳翔吐蕃犯邊君牙勵耕戰為備又城

隴州平戎號永信城

郝玘貞元中為臨涇鎮將嘗從

數百騎出野還說節度使馬璘曰臨涇扼洛口其川饒

衍利畜牧其西走戎道曠數百里皆流沙無水草願城

之為休養便地璘不聽及段祐代節度玘復說曰天寶

中天下以兵為防獨西戎耳而塞至京師且萬里自祿

山反西陲盡亡塞內為邊郡若築臨涇以折虜勢便甚

佑唯諾請于朝卒詔城臨涇

通鑑元和三年正月庚子

為行原州

子置以玘為刺史戍之自是虜不敢過臨涇玘在邊積

三十年虜大畏

舊紀元和三年正月庚子涇原節度段祐請修臨涇城在涇州北九十里扼西

戎之衝要詔從之十二月庚戌以臨涇縣為行原州命鎮將郝玘為刺史自玘鎮臨涇西戎不敢犯塞

李元諒為隴右節度貞元四年初築良原城距城築臺

上張連弩又進築新城據便地虜深憚之 朱忠亮憲

宗時為涇原四鎮節度築潘原城

初貞元三年七月庚辰遣決勝軍使唐良

臣以六百人曰
咸陽戍潘原堡

王潛拜涇原節度使憲宗與對大悅

潛至鎮繕壁壘積粟恃兵遂引師自原州踰峽石取虜
將一人斥烽候築歸化潘原二壘請復城原州度支沮
議王承元穆宗時為鳳翔節度鳳翔右表涇原地平
少巖險吐蕃數入承元據勝地為郭置守兵千詔號臨
汧城以勞封岐國公舊紀太和元年四月甲午鳳翔
築臨汧城於汧陽縣西北八十里

唐清塞城

會要清塞軍貞元十五年四月以清塞城為軍

唐鄂城

牛僧孺傳寶曆元年正月於鄂州置武昌軍授僧孺節

度使鄂城土惡亟圮歲增築僧孺陶甃以城五年畢鄂

無歲費

志鄂州有武昌軍元和元年置吳志孫權黃初二年自公安都鄂改名武昌八月城武昌

唐杖義城

禦侮城

柔遠城

卬味關

李德裕傳

兼舊史月日

太和四年十月戊申徙劍南西川節

度使建籌邊樓率戶二百取一人使習戰緩則農急則

戰謂之雄邊子弟其精兵曰南燕保義保惠兩河慕義
左右運弩騎士曰飛星鷲擊奇鋒流電霆聲突騎總十

一軍築杖義城以制大度青谿關之阻作禦侮城以控

榮經雅州
縣名犄角之勢作柔遠城以扼西山吐蕃六年五

月甲辰奏復邛峽關徙舊州治臺登地理志六
年徙治以奪蠻

險於是二邊浸懼南詔請還所俘掠吐蕃維州將悉怛

謀以城降後路巖置定遠軍於邛州扼大度治故關由

是山南八國來朝地理志黎州有武侯廣清肅寧大

定要衝杖義等十一城舊州有清溪關維州武德七年

以羌戶於姜維故城置廣德元年沒吐蕃太和五年收

復

德裕遣將虞藏儉據之州南抵江陽岷山西北望隴山一面崖三涯江虜號無憂城為西南要扞尋橐之

大中三年首雅州有伐謀制勝等八城榮經縣有邛崃
山有關

唐三原城 經畧城

史憲忠傳會昌中築三原城吐蕃因之數犯邊拜憲忠
涇原節度使以怖其侵䟽涇于隍積緡錢十萬粟百萬

斛戍人宜之 李吉甫傳元和八年請發夏州精騎五百屯經畧故城以護党項奏復宥州乃治經畧軍以隸綏銀道 元和志豐安軍靈武郡西黃河外一百八十里餘里萬歲通天初置管兵八千人馬一千三百匹定遠東城靈武郡東北二百里黃河外景龍中韓公張仁愿置管兵七千馬三千西城九原郡北黃河外八千里景龍中仁愿置管兵七千馬一千七百西南去理所一千餘里安北都護府亦曰中受降城景龍中仁愿於黃河

北岸置管兵六千馬二千西南去里所千三百里東城

榆林郡東北二百里景龍中仁愿置管兵七千馬一千

七百西南去理所一十六百餘里振武軍單于都護府

城內天寶中王忠嗣置管兵九千馬一千六百西南至

理所千七百里靈州舊置六胡州在靈州界內開元中

廢六州置宥州以領降戶天寶末寄理經畧軍元和八

年李吉甫上言九年五月復於經畧軍城置宥州自新宥州

北至天德置新館十一所從天德取夏州乘傳奏事四日餘至京師吉甫傳云起夏州至天德復驛侯十一

區以通
緩急

唐新城

奮戎城

峨和城

會要咸通六年四月西川節度牛勣於蠻界築新城
以過戎州 地理志舊州西有寧遠軍有新安三阜沙
野保塞西瀘過戎等九城自清溪關南經大定城百一
十里戎州有奮戎城乾符二年置翼州有峨和白岸都
護祚鼎四城 文苑英華陳諷新築峨和城賦數萬落
於屈指睇連營於寸目

唐安南城

高駢傳咸通七年

十一月

為靜海軍節度築安南城周三

千步又鑿道五所通使者其徑青石者或傳馬援不能

治有震碎其石乃得通因名道曰天威道駢鎮成都築

城名曰大元城 寶曆元年安南都護李元喜請移城

於江北岸圖形勢上之 王峻桂州築城 康承訓城

邕州合容管隸之

建隆修都城

太平興國京城門名

元豐修

都城記

東京舊城周回二十里一百五十五步

即汴州

唐建中初

節度使李勉築皇朝曰闕城裏城南三門

朱雀保康崇明

東二

門

麗景望春

西二門

宜秋閭闔

北三門

景龍安遠天波

大內據闕城西北

宮城周回五里新城周回四十八里二百三十三步周

世宗廣而新之顯德二年四月展外城

王朴王營度薛可高史倫蓋萬

康貞環之徒司工築舉宋渭曹鄭之民十餘萬城之農隙與板築東作則罷陶穀為之頃三年彰信節度使韓

通築王朴傳云廣新城通道路壯

韓宣潤今京師之制多其所規為

皇朝曰國城外城

南五門

南薰普濟宣化廣利安土

東五門

上善通津朝陽舍輝善利

西六門

順天大通

開遠宣澤金耀成豐

北五門

通天景陽永泰安肅承順

建隆三年正月甲戌發

浚儀民數千廣皇城之東北隅五月命有司築西京宮

殿圖修宮城

韓重寶董役

四年五月十四日詔李懷義護役

二十四日明德門成命陶穀撰碑

乾德三年四月十三日導五丈河通

皇城為池四年二月七日帝親視皇城版築之役六年

即開寶元年

正月甲午發近甸丁夫增修京城興國四年九

月戊子改京城門名至道元年十一月丁卯

二十日詔張

洎改撰京城內外坊名八十餘分定布列始有雍洛之

制

或云坊一百三十有二 雍熙二年欲廣皇城九月十七日命劉延翰等經度畫圖來上帝恐動民居而

止僅遷出在內三數司而已

祥符元年正月丙子

十四

脩東京外城

九年七月丁未增築新城天禧二年三月畢工天聖元

年正月辛卯發卒增築京城

七月二十四日增築皇祐元年八月十二日葺舊城

嘉祐四年正月十一日修築新舊城治平元年七月十六日增築

熙寧八年九月癸酉

重脩都城

會要八月二十一日詔內臣宋用臣董之

元豐元年十月丁未

六日告畢詔知制誥李清臣記之曰以三歲之績易數百

年因循之陋崇墉屹然周五十里一百六十五步橫度之基五丈九尺高度之四丈而埤堦七尺堅若埏埴直若引繩惟我汴京氣象宏偉平廣四達岡阜繚轉隱磷地中若龍盤虎伏眈而四據濁河限其北漕渠貫其內氣得中和土號沃衍霏煙屯雲映帶門闕望之者知其為天子之宅周世宗廣而新之逮此百二十有五年聖主營於無為圖于弗用取羨卒共其力兵不踰一萬分部者六板幹遞遷畚鍤貫序創機輪以登土為鐵䟽以

固溝肇于丙方環于四泐度功五百七十九萬有奇所
省者十之三其作怡然其成裕然人不及計士不及議
而城以全新奏矣又有材易八門崇端顯巖遂與城稱
其外趾跨隍百一十有五步聖授其筭士薦其能云云
二年進記紹聖元年九月六日刻石於南薰門蔡卞書篆

初命直學士院孫洙
撰記後改命清臣

元祐三年十月庚子命將作監丞

李士京修京城

紹聖元年正月八日增築功畢復
以外門正門為方城偏門為甃城

舊城

內左一廂二十坊二廂十六坊右一廂八坊二廂二坊

新城內城東廂九坊西廂二十六坊南廂二十坊北廂
二十坊太宗以名多俚俗至道元年十一月十五日易
以美名唯寶積安業樂臺利仁四坊仍舊名祥符二年
三月九日增置廂九京東一廂一坊二廂一坊三廂一
坊京南廂二坊京西一廂二坊二廂二坊三廂二坊京
北一廂二坊二廂一坊祥符六年五月七日改夷門坊
曰寧遠元英坊曰瑞慶 重城之內畫坊一百三十二
太祖建都無山川之險所恃者在修德在用人得民心

雍熙築河北城壘 祥符山川城寨圖

雍熙四年二月二十三日詔河北諸郡發鎮兵增築城

壘

遣翟守素由仁明等四人分路按行

端拱二年二月令沿邊作方田列

置寨柵至道三年九月揚允素上地圖帝御滋福殿歷

指山川堡壁曰朕已令屯兵內地而省冗費咸平四年

十二月壬戌陝西漕臣劉綜言鎮戎軍本古原州請於

軍前後置堡寨且耕且戰

祥符二年始置橫陽神堂銀城三寨皆在屈野河東置寨

將

祥符三年四月己未內出曹韋張宗貴所上涇原環

慶兩路山川城寨圖示宰臣曰虜置藩部俱當儲備亦
詳宜別畫二圖一付本路一留密院康定元年陝西漕
龐籍請諸寨互相應援慶厯元年曹綜於三都谷靜邊
堡置寨二年三月環慶於柔遠寨東擇利益建城寨又
於細腰城建寨四年宣撫韓琦請令涇原修葺堡寨五
年十月甲子以延州城馮蹄川為安定堡嘉祐四年二
月十一日詔留麟州鎮州府州中候百勝清寨四堡寨
餘皆廢之治平四年三月環慶蔡挺築荔原堡閏三月

涇原修堡寨賜名治平寨

又有雜川寨

熙寧十年延州建四

堡 咸平六年六月己卯賜環州大名乾川新寨名肅

遠九月辛亥府州西寒嶺置寨賜名寧遠慶厯三年正月乙未詔河北轉運提刑安撫司提舉修城壘

咸平彭陽城

鎮戎軍咸平六年築 九域志軍東八十三里

景德肅寧城

瀛州雍熙中置平虜寨淳化元年改平虜城景德元年

十二月甲辰改肅寧城

天禧清水城

秦州天禧元年十一月曹瑋築熙寧元年秦州置甘谷

城九域志甘谷在州西北一百八十五里

明道懷遠城

明道元年十月甲寅鎮戎軍新修赤藁城名為懷

遠城 慶厯元年十月三日戶部副使李宗諫等

往河東修寧遠寨 渭州牧隆城天禧元年築

祥符七年築籠竿城 咸平四年閏十月築綏州城

康定青澗城

元年九月庚午以种世衡知延州青澗城 种世衡傳
建請營故寬州州西南直延安二百里當寇衝右捍延
安左可致河東粟北可圖銀夏詔即廢壘興築壘近虜
屢出爭且戰且城之初苦無水鑿地百五十尺至石屑
石得泉城成賜名青澗城遷知城事開營田二千頃

九域志青澗城在延州東北一百十五里

慶厯韓公城

秦州初建隆三年築伏羌城祥符九年二月城南市慶
厯初守臣韓琦以東西城外有民居軍營恐資寇元年
十月己卯詔增築外城乃廣外城十一里與內城聯合
為一城秦民德之號韓公城興功於元年十月三日己
卯成於二年正月二十七日廣四千一百步高三丈五

尺計工三百萬

一云東
西關城

慶厯水洛城

德順軍慶厯三年以渭州隴竿城置軍靖邊砦西南去
略陽二百里有城曰水洛川地平土沃曹瑋嘗經營之
劉滬密使城主鐸斯那內附因城之慶厯三年十月甲
子鄭戩奏遣劉滬董士廉築城涇原帥尹洙令罷役不
從四年七月二十六日奏城成

訛後以滬任城事城中
有碑紀滬事九域志

城在軍西
南一百里

至和元年八月廣西余靖作桂州新城二年六月成王

安石為記

慶厯大順城

慶厯二年范仲淹於慶州柔遠寨東北四十里大順川
建城四月辛巳詔城名大順

張載為之記

五年閏五月甲申

仲淹宣撫請建細腰城

在三川間

命种世衡蔣偕城之自環

州隸原州

范仲淹傳慶之西北馬鋪寨當後橋川口

深在賊腹中仲淹欲城之度賊必爭密遣子純佑與蕃
將趙明先據其地引兵隨其後諸將初不知所向行至

柔遠始號令之版築畢具旬日城成今大順城是也賊
覺以騎三萬來戰佯北仲淹戒勿追已而果有伏大順
既成白豹金湯皆截然不敢動環慶自此寇益少 張
亢傳為并代都鈐轄管麟府軍馬以州東焦山有石炭
穴為築東勝堡下城旁有蔬畦為築金城堡州北沙坑
有水泉為築安定堡置兵守之戰于兔毛川賊大潰不
踰月築清塞百勝中侯建寧鎮川五堡麟州之路始通

熙寧綏德城

延州熙寧二年置元豐七年正月十九日陝西漕臣范

純粹言綏德城當寇衝請立軍以七城皆隸焉

在州東北二百

三十里 建隆二年秦州置伏羌寨熙寧三年以寨

為城

在州西九十里

熙寧六年河州置定羌城

九域志七年置

在州東七十里

元豐四年通遠軍北一百二十里置定

西城

元祐定遠城

七年五月甲申熙河蘭岷路進築凡二十四日畢功經

畧使范育等賜詔獎諭

金湯城

延州元符二年以舊寨改

銀川城

崇寧五年以銀川改

定西城

蘭州元豐六年增築閏六月隸通遠軍

平夏城

鎮戎軍紹聖四年以石門城改

德威城

舊清水河改和六年置

安西城

紹聖二年章柒築

定邊城

元符二年三月十四日韓昇築

安邊城

環州崇寧五年置

興平城

元符元年三月十七日環慶築

元豐三年十一月二十一日曾鞏奏秦鳳廊延涇原環

慶并代五路嘉祐城堡一百十二熙寧二百十二元豐

二百七十四熙寧較嘉祐一倍元豐再倍而熙河城堡
又三十有一夫將於兵猶奕於棋善奕者置棋雖踈取
數必多得其要而已敵雖萬變塗雖百出而形勢足以
相援攻守足以相赴所保必其地所應合其變用力少
而得算多

紹興築皇城

今大內舊杭州州治也紹興十八年三月十四日名皇
城南北門曰麗正和寧二十八年七月己未增築皇城

東南之外城

修築五百四十一丈計工三十餘萬九月二十二日新城增置便門詔新南門名嘉

會乾道九年十二月二十一日修禁城

紹興山水寨

建炎二年命揚州增修城壁紹興十一年二月十二日昭王喚兼通泰制置使措置水寨鄉兵 建炎四年六月臣僚言江北諸郡之民往往自為寨柵羣聚以守和州則有雙山鷄籠二三寨麻胡阿有二水寨廬州則有浮槎方山等寨滁州則有獨山等寨每寨多至二萬餘

家宜諭以恩意有功者命鎮撫使保奏推恩從之十一月遣使兩浙點檢寨柵乾道五年九月遣淮西參議許子中措置淮西山水寨民兵 漢鼂錯言邊事曰選常居者家室田作為高城深塹其隴石布渠答復為一城其內城間百五十步要害之處通川之道調立城邑毋下千家為中周虎落先為室屋具田器幕人居之 文王城朔方以南仲宣王城東方以仲山甫慮以悄悄之勞發以赫赫之名承以翼翼

之勤績以明明之功其君臣如此而守衛有其具也古者哲夫以為城衆心以為城禮義廉恥以為城易曰天險不可升也是險也無象無形不兵而不可犯不城而不可踰所以持山川丘陵者也昔之人以大師為垣得道為助在德者險苟得民心雖畫地而守效死者莫肯去不然崇城到天巖扉重閉金鋪銅環鐵扇石樞無以結民心至於攜叛不若折柳之樊圃也禦外之道莫若設險制勝之方莫若因形重門擊柝設險也高屋建瓴

因形也雅有營謝美召伯也傳稱城沂賢為教也 城

朔方而獵狝之難除禦戎狄之道守備為本不以攻戰

為先 陵崢岸峭 豐牆峭陬 以行義為阻道德為

塞賢人為兵則邊境無鹿駭狼顧之憂 春秋之法大

事書之於策其於土功尤致其謹始於隱之城中丘卒

於哀之城邾瑕其事幾三十條莒城惡而弗備巫臣以

為譏由于城麋不知高厚子西以為謂子囊之城郢為

艾獵之城沂深嘉屢歎以為善相一國 崢若斷岸轟

似長雲 扼敵國之襟喉據邊障之樞會屈指臂開
闔風雷啟闕而敵不敢入下兵而敵不敢當堞雉崢嶸
岳立雲連鼓鼙晝鳴刁斗夜嚴渠答蘭石凡備畢具

隱以金椎蒙以石壁歸乎峭巖斷岸之不可攀 峙芻

糧穀甲兵具藺石柱攬窅察相翔謹號戒 王公設險

以守國孔子書於習坎之彖城郭溝池以為固孔子所

以答言偃之問 體天之險等威以叙因地之宜溝封

以固猶慮有欲不相保聚弧矢取睽門柝取豫俾居無

甌而害有禦 適量弘綱迺審薄厚 先壞而防先變
而懼母生戒心棄成恃陋 古者天子守在四夷故城
成周而君子小之雖然清風至而城郭不修入其國者
有以觀政矣 石城湯池著於神農之教固圍重閉載
乎春秋之訓 敵無脆有備者勝國無小善守者全樂
毅能下齊而不能拔莒即墨之二城佛狸能飲江而不
能克盱眙之孤壘以習安為懼以恃陋為戒墨翟之智
子囊之忠也 正其疆場脩其土田險其走集親其民

人明其伍侯 萬雉鬱起矗如長雲 植表作旗萬鏞
競奮 實墉實壑深與高稱 城有制役有時大都不
過三國之一邑無百雉之城制也凡土功龍見而戒事
火見而致用水昏正而裁日至而畢時也 周之以水
樵校聯布之以藺石渠答

玉海卷一百七十四

欽定四庫全書

玉海卷一百七十五

宋 王應麟 撰

宮室

亭

釋名亭停也人所停集

堯亭

王韶之始興記堯山下有平陵陵上有古大堂基十餘

處謂曰堯故亭父老相傳堯南巡登此山故亭即其行宮

湯亭

左傳商湯有景亳之命注河南鞏縣西南有湯亭或言

亳即偃師

續漢志注同

水經注尸鄉故湯所都亦曰湯亭

風俗通國語有寓望謂今亭也

召亭

詩召南釋文召地名也在岐山之陽扶風雍縣南有召

亭

名南十
四篇

正義春秋時周公召公別於東都受采存本

周召之名晉書地道記云河東郡垣縣有召亭周則未
聞今為召州是也 左傳注召采地扶風雍縣東南有
召亭 水經注雍水又東逕邵亭南亭故邵公之采邑
也京相璠曰亭在周城南五十里後漢郡國志郿縣有
邵亭

漢泗水亭

後郡國志沛有泗水亭

沛國秦泗水郡

注亭有高祖碑班固為

文見固集

高祖為泗上亭長

豐有扮榆亭注案前志注扮榆社

在縣東北十五里戴延之西征記縣西北有漢祖廟為

亭長所處

高紀師古注引泗水亭碑

班固作碑銘并十八侯銘 秦

法十里一亭十亭一鄉國語有寓望即今之亭也

括地志泗水亭在徐州沛

縣東一百步有高祖廟

文選注酈善長水經注曰泗

水南有泗水亭漢高祖廟前有碑延熹十年立

漢萬歲亭

見萬歲宮

三齊畧記曲城齊城東有萬歲水水北有

萬歲亭 李固傳夏門亭長注洛陽北面西頭門外有
萬壽亭

漢千秋亭

見即位壇

漢雒陽亭

見先虞壇 漢官典職洛陽二十四街街一亭十二城
門門一亭

漢洛陽都亭 又見邸驛類

張綱傳漢安元年選遣八使徇行風俗皆耆儒知名多
愆顯位唯綱年少官次最微餘人受命之部而綱獨埋
其車輪於洛陽都亭曰豺狼當路安問狐狸

漢洛陽宣德亭

五行志陽嘉二年六月雒陽宣德亭地拆李固對策云
云

周禮司市注思次若今市亭也介次市亭之屬別小者
也 遺人注宿可止宿若今亭有室疏案漢法十里有

亭 蜡氏注有地之官有部界之吏今時鄉亭是也

晉新亭

王導傳過江人士暇日出新亭飲宴 丹陽記新亭吳

舊亭也隆安中丹陽尹司馬恢移創今地

京師三亭太元中謝石創

征虜亭三吳
措紳創治亭

宋孝武即位于新亭元嘉末四月壬申

改為中興亭 陳大建七年閏九月丁未幸樂游苑采

甘露宴羣臣於苑龍舟山立甘露亭

晉蘭亭

書目蘭亭詩一卷晉永和九年上巳右將軍王羲之會
羣賢于會稽山陰之蘭亭一十一人詩各二篇一十五
人詩各一篇羲之為序孫綽為後序 水經注湖口有
亭號曰蘭亭亦曰蘭上里

梁北顧亭

見樓類

唐九曲亭 臨渭亭

舊紀景龍三年九月壬戌幸九曲亭宴侍臣學士四年

三月甲寅幸臨渭亭修禊飲

唐含象亭

又見開元十八學士圖

翰林盛事開元中拜張說等十八人為學士於東都上陽宮含象亭圖寫御贊述之 翰林志開元中張說等十七人寫真含象亭御製贊

唐鴻臚亭

會要天寶三載三月敕兩省五品以下於鴻臚亭祖餞朝集使永泰元年正月宰臣王縉等奏大臣入朝百僚

朝罷於中書行相見之禮宴餞準故事集於鴻臚亭從
之安祿山傳天寶三載詔三省御史中丞餞鴻臚亭

唐振旅亭

舊紀天寶八載五月辛巳

會要十八日

於開遠門外作振旅

亭以待兵迴

唐沉香子亭

李白傳元宗坐沉香子亭使白為樂章 李漢傳敬宗

時為左拾遺

長慶四年九月丁未

舶賈獻沉香亭材帝受之漢諫

曰以沉香為亭何異瑤臺瓊室乎 柳公權傳為翰林
書詔學士文宗夜召對子亭燭窮而語未盡宮人以蠟
液濡紙繼之

唐望春亭

公主傳嘉誠莊懿公主貞元元年下嫁德宗幸望春亭臨

餞 長安志南北望春亭在禁苑東南高原之上

唐會慶亭

會要貞元三年三月造會慶亭于麟德殿

舊紀云於十三年三月戊

子造十二年十二月度支郎中蘇弁奉敕改造三殿前會

慶亭 實錄元和十四年九月戊戌御會慶亭宴田弘

正及宰相以下賜物有差

唐曲江亭

會要

兼舊紀
實錄

貞元四年九月癸丑重陽節賜百僚宴曲江

江亭帝賦詩六韻賜之六年二月戊辰朔百官以中和

節宴曲江亭上賦詩七韻錫之八年二月庚戌朔宰相

宴於曲江亭十四年三月上巳賜羣臣宴曲江亭十七

年二月癸巳朔賜羣臣宴曲江亭上賦中和節賜宴曲江詩六韻賜之三月乙丑賜羣臣宴曲江亭九月戊辰羣臣宴曲江上賦九日賜宴曲江亭詩六韻賜之元和二年三月辛卯賜羣臣宴曲江亭長慶二年九月戊申宴百僚曲江亭太和八年三月甲寅上巳賜羣臣宴曲江亭開成二年十月慶成節賜百官宴曲江亭

唐太液亭

實錄太和四年七月文宗於太液亭召翰林學士鄭覃

已下對賜錦綵

又見尚書圖

崔鉉傳為淮南節度使帝餞

太液亭賜詩寵之

大中九年八月

元稹詩網索西臨太液池注

網索在太液上學士候對於此

唐彩霞亭

見紫雲樓

祥符靈液亭

延慶亭

宣澤亭

祥符元年六月庚寅朔泰山建醴泉亭名曰靈液十月

壬子幸十二月庚子丁謂為碑二年八月庚戌泰山再

出醴泉建亭曰瑞濟三年十月庚戌名寶鼎縣行宮後
亭曰延慶四年二月戊午召近臣登之南望仙掌北瞰
龍門二十六日丙戌次華州頓賜酺宴于行宮南垣之
望仙亭賜亭名曰宣澤

祥符瑞雲亭

又見祥瑞類

元年六月乙未天書再降于泰山之靈液亭十月己酉
五色雲起嶽頂上與近臣登後亭望之名亭曰瑞雲

祥符翠芳亭

九年二月二十七日詔近臣觀書後苑移幸流杯殿登象瀛山翠芳亭天禧四年十月二十九日玉宸殿翠芳亭觀稻賜燕景佑中橙實命近臣觀皇祐三年九月辛未講讀以翠芳亭橙實賜講筵官各一枚 又有瑤津亭華景亭皆在後苑

淳熙羣玉亭

祕省有芝香亭淳熙四年二月更名羣玉

中書舍人嘉范成大書

定元年三月少監汪逵改建易名曰堂 國史志西京

內園有長春殿淑景亭

歷代亭名

後漢

萬壽

後魏

五石

隋

飛花

散菊

迎風

落花

回廊

圓珠

方玉

積翠

飛香

回流

芝田

蘭皋

露華

長塘

芳洲

翠阜

芳林

飛華

留春

澗秋

洛浦

翠葩

逍遙

翠微

閭風

彩霞

臨月

飛芳

合璧

含暉

凝碧

紫巖

澄景

尚陽

唐

會慶

放鴨

彩霞

沈香

坡頭

臨渭

永泰

南北

昌國

琉璃

曜掌

九洲

芳樹

金谷

六朝

征虜

勞勞

觀稼

閭風

甘露

醴泉

臨芳

清露

臨淵

景風

齋

燕居之室曰齋

晉讀書齋

王孚安成記太和中陳郡殷府君引水入城穿池殷仲堪又於池北立小屋讀書百姓呼曰讀書齋

梁高齋

襄沔記金城內刺史院有高齋梁昭明太子於此齋造文選簡文為晉安王鎮襄陽日引劉孝威等於此齋綜覈詩集七十人資給豐厚時號高齋學士南史庾肩吾傳在雍州劉孝威等十人抄撰衆籍豐其果饌號為

高齋學士

紹興損齋

見前

淳熙善樂齋

八年皇孫英國公自以善樂名齋親書扁

歷代齋名

隋

文猷

文徵

珠露

流風

回雪

含涼

唐

山齋

六朝

高齋

梁

宅

說文宅所託居之義釋名宅擇也棟擇吉處而營之

堯表門閭

六韜文韜盈虛篇帝堯王天下民有孝慈者愛敬之盡
力農桑者慰勉之旌別淑德表其門閭 書畢命旌別
淑慝表厥宅里彰善癉惡樹之風聲 呂氏春秋魏文
侯過段干木之間而軼之

舜宅

戴延之西征記蒲坂城外有舜宅 宋永初山川記蒲
坂城中有舜廟城外有舜宅及二妃壇

夫子宅

水經注夫子故宅大一頃所居之堂後世以為廟漢高祖十三年過魯以太牢祀孔子廟屋三間夫子牀前有石硯一枚甚朴云平生時物魯人藏孔子所乘車於廟中是顏路所請者也魏黃初二年令郡國修起孔子舊廟置百戶吏卒廟有夫子像列二弟子執卷立侍漢魏以來廟列七碑二碑無字

齊晏子宅

晏子春秋齊晏公使更晏子之宅曰子之宅近市湫隘

躑塵不可居請更宅曰臣之先臣居此宅焉臣不足以

代之

將更於豫章之圃

括地志晏子故宅後人名曰清節里

齊威王養士稷門之下自淳于髡以下七十餘人高者為列大夫為開第康莊之衢高門大屋尊寵之

漢高祖宅

述征記豐水西九十里

有漢高祖宅 漢舊儀高皇帝

家在豐中陽里為沛泗上亭長及為天子立沛廟祠豐

故宅

漢北第 東第 甲第

高紀五年五月詔曰法以有功勞行田宅云云十二年

三月詔為列侯食邑者賜大第室吏二千石受小第室

注孟康曰有甲乙次第故曰第 列傳夏侯嬰惠帝德

之賜北第第一注近北闕之地

西京賦北闕甲第當道直啟

司馬

相如擢位為通侯居列東第注師古曰東第甲宅也居

帝城之東故曰東第 霍去病武帝為治第令視之

蘇武始元六年賜宅一區 韋賢地節三年以老病乞

骸骨賜金百斤加賜第一區元成詩曰既耆致位惟懿

惟真厥賜祁祁百金洎館 胡建射甲舍門注師古曰

甲舍即甲第公主之宅 霍光宣帝賜甲第一區 張

放賜甲第 樂大賜列侯甲第 景况建武五年賜甲

第 郭伋為太中大夫建武二十二年賜宅一區及惟

帳 鮑永賜洛陽高里宅辭不受

洛陽記上高里在洛陽東北本段人所居

劉昆賜洛陽第舍 第五倫元和二年賜宅一區

魏文為張遼起第舍 晉賜王祥鄭冲賀循第一區

漢尚冠里舍

宣紀時會朝請舍長安尚冠里元平元年秋七月遣宗
正德至曾孫尚冠里舍洗沐賜御府衣太僕以軫獵車
奉迎曾孫就齋宗正府注師古曰尚冠長安中里名

黃圖長安閭里百六十有宣明建陽昌陰尚冠修成黃
棘北煥南平大昌戚里

漢幸孔子宅 唐幸孔子宅

顯宗紀永平十五年三月幸孔子宅祠仲尼及七十二

弟子親御講堂命皇太子諸生說經注孔子宅在兗州

曲阜縣闕里中背洙面泗矍相圃之東北也

初魯恭王壞孔子舊

宅以廣宮室闢金石絲竹之聲乃不敢壞於壁中得古文經傳

唐玄宗紀開元十三

年十一月甲申

通鑑庚申舊紀丙申

幸孔子宅遣使以太牢祭其

墓給復近墓五戶

詔曰思闕里之風想雩壇之詠

括地志孔子舊宅

在兗州曲阜西南三里有闕里中有宅宅中有廟

漢南陽舊宅 祠舊宅

紀光武建武三年冬十月壬申幸舂陵祠園廟因置酒

舊宅大會故人父老

東觀記光武征秦豐幸舊宅

十七年十月甲申

幸章陵

建武中更名春陵為章陵

修園廟祠舊宅觀田廬置酒作樂

賞賜宗室諸母因酣悅相與語曰文叔少時謙信與人

不款曲惟直柔耳今乃能如此帝聞之大笑曰吾理天

下亦欲以柔道行之乃悉為春陵宮室起祠堂注光武

舊宅在今隨州棗陽縣東南宅二里有白水馬即張衡

所謂龍飛白水也

荊州記義陽安昌有光武宅枕白水

明帝永平三年

冬十月甲子從皇太后幸章陵觀舊廬

陰后紀永平三年冬帝從太后

幸章陵置酒舊宅會陰鄧
故人諸家子孫並受賞賜
十年閏四月南巡狩幸南陽

日北至又祠舊宅禮畢饗校宮弟子作雅樂奏鹿鳴帝
自御塏箎和之以娛嘉賓 章帝元和元年九月辛丑

幸章陵祠舊宅八年八月南巡狩祠舊宅園廟見宗室
故人 和帝永元十五年十月戊申幸章陵祠舊宅會

宗室于舊廬勞賜作樂 桓帝延熹七年十月庚申幸

章陵祠舊宅遂有事于園廟 南都賦曜朱光於白水

會九世而飛榮察茲都之神偉啟天心而寤靈園廬舊

宅崇隆崔嵬御房穆以華麗連閣煥其相徽聖皇之所
逍遙靈祇之所保綏章靈鬱以青葱神廟肅以微微頌
曰皇祖止焉光武起焉據彼河洛統四海焉本支百世
位天子焉永世克孝懷桑梓焉真人南巡覩舊里焉

南都

在南陽光武舊里以置都焉成帝
時議欲廢之故張衡作是賦以諷

漢精舍

列傳包咸於東海立精舍講授 劉淑立精舍講授諸
生常數百人 檀敷立精舍教授數百人 李充立精

舍講授

漢諸葛亮宅

文選出師表三顧臣於草廬之中注漢晉春秋曰亮家
于南陽之鄧縣荊州圖副曰鄧城舊縣西南一里隔沔
有諸葛亮宅是漢昭烈三顧處 水經沔水東逕隆中
注歷孔明舊宅北劉季和鎮襄陽命季安作宅銘云天
子命我于沔之陽聽鼓鞞而永思庶先哲之遺光後六
十餘年永平五年習鑿齒又為宅銘 荊州記襄陽西

北十許里名為隆中有孔明宅

郡國志長沙南寺

賈誼宅

國史志果州相如縣有司馬相如故宅成

都記成都縣百步有揚雄宅今草玄亭餘迹尚存抱

朴子葛盧佐光武有大功受爵立宅舍於博望里魏

志衛臻遜位賜宅一區荀彧家傳既定冀州為公起

大第於鄴魏奏事爵雖列侯食邑不滿萬戶不得作

第其舍在里中皆不稱宅

唐賜甲第

列傳河間王孝恭平公祐賜甲第一區謂人曰所居頗
壯麗非吾心也 裴寂高祖賜田千頃甲第一區 魏
徵太宗輟小殿之材為建第 馬周求勝地為創第市
宅詔有司給直 狄仁傑武后賜第一區 杜暹開元
十四年賜甲第一區廐馬一匹 姚崇玄宗欲自近詔
徙寓四方館 郭子儀宅居親仁里四分之一中通永
巷賜良田美器名園甲館 李泌代宗賜光福里第
孔述睿為諫議德宗賜第宅 李晟殄大盜詔賜第永

崇里涇陽上田延平門之林園晟入第京兆供帳教坊
鼓吹迎導詔將相送之 渾瑊賜大寧里甲第將相送

歸第 張茂昭貞元二十年十月賜甲第 李光顏賜

開化里第 孔緯賜善和里第 符璘賜靖恭里

第一區藍田田四十頃 郭縱尚德陽郡主詔為

主營第長興里 房玄齡傳帝幸芙蓉園觀風俗

玄齡敕子弟汎掃廷唐曰乘輿且臨幸果幸其第

因載還宮 崔郾傳居光德里建便齋宣宗題曰

德星堂

唐祠舊宅

高宗紀顯慶五年二月甲午祠舊宅麟德元年八月己

卯幸舊第

一本云丁丑幸舊第宴羣臣

舊紀高宗龍朔元年天宮

寺是高祖潛龍時舊宅九月甲辰上周歷殿宇感愴久

之睿宗景雲二年八月

一云七月

乙卯詔以興聖寺是高祖

舊宅有枯柿復生赦天下 地理志京兆府高陵西四

十里有龍躍宮本高祖舊宅高祖置為宮武功南十八

里臨渭水有慶善宮武德元年高祖以舊第置宮會
要太宗貞觀六年蘇世長奏曰臣昔在武功見陛下宅
宇繞蔽風雨初學記太宗嘗過舊宅賦詩曰新豐停
翠輦譙邑駐鳴笳一朝辭此去四海遂成家

唐隱士宅

田游巖傳高宗營奉天宮游巖舊宅直宮左詔不聽毀
天子自書榜其門曰隱士田游巖宅通鑑永隆元年
二月戊午幸嵩山處士田游巖所居太宗貞觀十二

年幸洛陽高年甄權宅權年一百三歲拜朝散大夫賜
几杖

唐五王子宅 十王宅

寧王憲傳初睿宗五子列第東都積善坊號五王子宅
及賜第上都隆慶坊亦號五王子宅先天後盡以隆慶
舊邸為興慶宮開元後皇子幼多居禁中既長詔附苑
城為大宮分院而處號十王宅

在安國寺東

所謂慶忠棣鄂

榮光儀穎永壽延盛濟等以十舉全數也

十三年三月甲午封十三

王會要十王謂慶忠棟鄧榮光儀頤永濟後盛壽
陳豈常涼六王又就封入內宅是為十六宅

杜棕傳宣宗世夢王以下五王處大明宮內院而鄆

王居十六宅 舊書先天後興慶是龍潛舊邸因以為宮

寧申岐薛王賜宅邸第相望環於宮側諸王每日於側

門朝見 通鑑上即位附苑城為十王宅以居皇子宦

官押之就夾城參起居自是不復出閤雖開府置官屬

及領蕃鎮惟侍讀時入授書官屬但歲時通名起居宣

宗大中二年上欲作五王院於大明宮以處王子之幼

者 會要諸王府在宣平坊東南寶曆三年六月賜延
康坊宅俾諸府合而共局庶寮會而異處 世祖推恩
長安列六子之舍明皇廣愛華清建百孫之居 張洎
尚主即禁中置內宅 岐陽公主下嫁杜悰開第昌
化里

建隆潛龍宅

建隆元年二月宋州以歸德軍旌節來詔置於潛龍宅

建隆賜宅

建隆二年三月乙巳賜樞副趙普宅一區開寶中詔有
司建第將以賜郭進悉用銅瓦興國二年正月宅成賜
之建隆三年慕容延釗石守信賜宅開寶三年王審
琦賜甲第留京師興國四年正月癸巳賜簽樞石熙載
宅一區五年三月庚辰賜文明殿學士程羽浚儀縣秦
寧坊宅一區八年十二月庚戌賜參政呂蒙正麗景門
宅簽樞張齊賢宜秋門宅咸平五年九月种放至乙卯
賜昭慶坊第一區加帷帳什物銀器五百兩錢三十萬

中謝日賜食學士院祥符元年十一月賜樞使陳堯叟宅五年閏十月賜王欽若安遠坊宅皇祐五年二月賜狄青崇教坊宅治平四年九月賜韓琦宅紹興十五年賜秦檜第命駕親臨二十一年張浚太師制曰比敕乘輿往臨居第因觀風而幸事擬元齡思避講之談禮加朱祐淳熙中少傅侍讀史浩賜第

開寶禮賢宅

開寶九年三月丁巳詔於朱雀門外馳道之左建大第

甲於輦下既成名曰禮賢宅以待錢俶己未俶入朝即

令居焉

三月二十日幸三十日又幸九月二十七日再幸

興國五年四月丙子

賜之祥符八年四月錢惟演上表納所居宅

以處諸王

五月

癸巳賜惟演第于昭化坊 逆予有刑視彼揚州順子

有封視此錢侯

祥符二年十二月癸卯令江州修唐

白居易舊第以廬山有居易書堂江州有舊宅畫

像猶存故命葺之

景祐睦親宅

慶厯廣親宅

元祐親賢宅

元符懿親宅 宣和蕃衍宅

見宗戚類 元符二年四月八日崇寧元年三月十七

日幸懿親宅宣和元年三月七日幸蕃衍宅 祥符八

年七月庚戌諸王各賜第于外分置諸宮都監之

職

熙寧賜芳林園宅

四年九月二日詔賜濮王子通州防禦使宗隱芳林園宅一區六年十月二十五日賜彰武留後承選芳林園

宅

紹興睦親宅

三年十二月甲辰詔南班宗室新第仍以睦新宅
為名 魯語車服表之章也宅章之次也注有章
服者之次舍 韓詩外傳諸侯有德錫朱戶 文
選注諸侯朱戶故曰朱邸 狼望未平冠軍辭宅
馬池猶隔雍丘遜邸 晏嬰湫溢齊景營其爽塏
孫歷無家晉武為之築館 齊招賢士宅於康莊

之衢漢寵列侯賜之甲乙之第 漢錫五倫魏寵

衛臻

梁元帝謝賜第宅云

稽以尺籍令以鑿鼓斲者如風

築者如雨茨者雲舒慢者波卷餽廩稱事忘勞競

勸 方湖匯澤章蕩附集 我材孔良我工惟時

般倅獲人獻巧林立 絜百圍而置楹度千仞

以架棟

宮室制度

易曰上古穴居而野處後世聖人易之以宮室

上棟下宇以待風雨

舜巖廊

廊一作郎

見門類

周夏屋

士冠禮設洗直于東榮注榮屋翼也周制自卿大夫以下其室為夏屋疏其室兩下而四周之鄭注檀弓曰夏屋今之門廡也兩下為之亦舉漢制況之也 燕禮設洗當東雷注人君為殿屋也 案

考工記匠人注四阿若今之四注屋疏云四雷也殷人始為

四注屋則夏后氏之屋南北兩下而已周制天子諸

侯得為殿屋四注卿大夫以下但為夏屋兩下四注

則南北東西皆有雷兩下則唯南北有雷而東西有

榮是以燕禮言東雷而大夫士禮則言東榮也雷說文曰屋水

流也又曰屋栝之兩頭起者為榮月令疏古者窀

居間其上取明故兩雷之後因名室為中雷間牖者

象中雷之取明也上林賦高

廊四注注廊謂堂下四周屋也

大也

漢西清

上林賦青龍蚺蟠於東箱象輿婉憚於西清靈囿燕於
閉館倥傯之倫暴於南榮注師古曰西清者西廂清靜
之處郭璞曰榮屋南檐也 甘泉賦覽膠流於高光兮
溶方皇於西清注服虔曰高光宮名師古曰西清西廂
清閒之處 周昌傳呂后側耳於東箱聽注師古曰正
寢之東西室皆曰箱言似箱篋之形 晁錯傳趨避東
箱 虞詡傳張防趨就東箱注埤蒼云箱序也 東京

賦下彫輦於東廂注爾雅東西廂謂之序 魯靈光殿
賦西廂注西序也 觀禮注東箱東夾之前相翔待事
之處

漢銅池 璇題 壁璫 藻井

宣紀神爵元年詔金芝九莖產于函德殿銅池中注如
淳曰銅池承雷也師古曰以銅為之 甘泉賦珍臺閒

館璇題玉英蜩蛸螻蛄之中注應劭曰題頭也揜椽之
頭皆以玉飾言其英華相燭 上林賦華揜壁璫輦道

纒屬注師古曰猿掾也華謂彫畫之璧璫以玉為掾頭
之當即所謂璇題玉題一曰以玉飾瓦之當 西都賦

雕玉瑱以居楹裁金璧以飾璫注彫刻玉璫以居楹柱

瑱與瑱通

徒年切

韋昭曰裁金為璧以當掾頭

西京賦

帶倒茄於藻井披紅葩之狎獵飾華掾與璧璫流景曜
之鞞擘彫楹玉碣繡栢雲楣三階重軒鏤鑑文椀注藻
井當棟中交木方為之如井幹也藻水草之有文者風
俗通曰今殿作天井井東井之象菱水中之物皆所以

厭火礪磧也栲斗也王褒甘泉頌曰采雲氣以為栲

魯靈光殿賦齊玉璫與璧英芝栲攢羅以戢晉

注芝栲
山節方

小木為之掌
眉梁之上

圓淵方井反植荷葉雲案藻扶龍栲雕鏤

色咸曰梁上
植畫為藻丈

景福殿賦列蓀彤之繡栲垂琬琰之文

璫爰有禁掬勒分翼張承以陽馬接以員方繚以藻井

編以絳䟽繁飾索巧不可勝書金楹齊列玉鳥承跋青

瑣銀鋪是為閨闈注掬附陽馬之短栲也陽馬四阿長

桁也馬融梁將軍西第賦曰騰極受檐陽馬承阿青瑣

銀鋪為閨闈之飾鋪以銀為鋪首也長門賦曰擠玉戶

而撼金鋪 蜀都賦金鋪交映玉題相暉 張景陽七

命陰蚪負擔陽馬承阿

楚辭曰仰觀
刺猶畫龍蚪

方䟽含秀圓井吐

葩 曹子建七啓彤軒紫柱文棟華梁綺井含葩金墀

玉廂

甘泉賦炕浮
柱之飛棟

宋志殿屋為員淵方井兼植荷華

漢殿檻

朱雲傳攀殿檻檻折及後當治殿檻上曰勿易因而輯

之以旌直臣 西京賦三階重軒鏤檻文琬注檻闌也

皆刻畫又以大板廣四五尺加漆澤焉重置中間闌上
名曰軒甘泉頌曰編璆瑁之文椀 上林賦步櫚周流

注今步廊也 宛虹拖於楯軒

漢丹墀

梅福傳願壹登文石之陛涉赤墀之塗當戶牖之法坐
注應劭曰赤墀以丹淹泥塗殿上師古曰戶牖之間謂
之宸法坐正坐也聽朝之處猶言法宮法駕也 西京
賦右平左城青瑣丹墀注城限也謂階齒也天子殿高

九尺階九齒各有九級其側階各中分左右左右有齒右則滂沍平之令輦車得上漢官典職曰丹漆地故稱丹

墀

賦又曰金匱玉階形庭輝輝

西都賦左城右平重軒三階注七

畧曰王者宮中必左城而右平摯虞決疑要注曰凡大極乃有陞堂則有階無陞平者以文塼相亞次也城者

為陞級也

賦又曰昭陽特盛隆於孝成屋不呈材牆不露形元墀鈿砌玉階彤庭硬碱絲緞琳珉青

葵

班婕妤賦俯視兮丹墀思君兮履綦注丹墀赤地

也七啟金墀玉廂注劉梁七舉曰丹墀縹壁紫柱紅

梁 漢武故事上起神屋鑄銅為柱黃金塗之赤玉為

階 唐有龍墀 士冠禮阼階注阼酢也東階所以答

酬賓客也每階有東西兩廉

聘禮饗鼎設于西階 當內廉

疏匠人云

天子之堂九尺賈馬以為階九等

賈誼曰陛九級上廉遠地則堂高

考工記夏后氏世室九階注南面三階餘三面各二疏

賈馬諸家皆以為九等階鄭不從者夏卑宮室當一尺

之堂為九等階於義不可故為旁九階也明堂位中階

阼階西階故知南面三階也大射禮云北階記云側階

東階此四面有階 明堂位三公中階之前諸侯之位
阼階之東諸伯之國西階之西正義南面三階故稱中
阼階近王位也 書舞干羽于兩階注賓主階間也
史記堯舜土階三等

漢浮思

明堂位魯大廟之飾山節

謂構虛刻為山形

藻柎

謂侏儒柱畫為藻文

復

廟

上下重屋

重檐

重承壁付也

刮楹

以密石摩柱

達鄉

每室四戶八窓牖戶通達

反

站

兩君相見反爵之站也築土為之在兩楹間近南人君飲酒既獻反爵於站上

出尊

尊在兩楹間站

在尊南

崇圯康圭

為高圯受賓之圭舉於其上 康音抗

䟽屏注屏謂之樹

今浮思也刻之為雲氣蟲獸如今闕上為之矣正義䟽刻也漢時為屏為浮思天子外屏匠人注云城隅謂角浮思也漢時東闕浮思災浮思小樓也城隅闕上皆有之然則屏上亦為屋以覆屏牆或解屏則闕也古詩云雙闕百餘尺則闕於兩旁不得當道與屏別也 文紀七年六月癸酉未央宮東闕眾愚災注師古曰眾愚謂連闕曲閣也以覆重刻垣墉之處其形眾愚然一曰屏

也渭陵延陵園門亦有果恩

哀紀元壽元年九月孝元廟殿門

銅龜蛇鋪首鳴注師古曰門之鋪首所以銜環 楚辭

網戶朱綴刻方連 東方朔有殿上拍柱賦 說文扁

從戶冊 春秋作者三作丘甲作三軍作僖公主新作

亦三新作南門新延廡新作雉門及兩觀 左傳清廟

茅屋以茅飾屋昭其儉也 周書括柱茅茨為民愛費 董

生書曰禮天子之宮在清廟左涼室右明堂後路寢四

室者足以避寒暑而不高大也 仲長統昌言曰今為

宮室者崇臺數十層長階十百仞延袤臨浮雲上樹九
大旗珠玉翡翠以為飾連帷為城結帳為宮起臺榭則


高數百丈壁帶珠玉土被緹錦 藝文類聚楚辭曰像

設居室靜閒安高堂邃宇檻層軒層臺累榭臨高山網
戶朱綴刻方連冬有突厦夏室寒經堂入奧朱塵筵

朱塵

筵席也 砥室翠翹挂曲瓊弱阿拂壁羅幃張翡翠帳飾

高堂紅壁沙板玄玉梁仰觀刻桷畫龍蛇坐堂伏檻臨
曲池芙蓉始發雜芰荷紫莖屏風文綠波



玉海卷一百七十五